



Republic of the Philippines
Department of Education
REGION XI
SCHOOLS DIVISION OF DIGOS CITY

OFFICE OF THE SCHOOLS DIVISION SUPERINTENDENT

Nobyembre 11, 2022

DIVISION MEMORANDUM

No. 706, s. 2022

PAANYAYA SA PAMBANSANG KUMPERENSIYA NG PAMBANSANG SAMAHAN SA SIKOLOHIYANG PILIPINO (PSSP)


Para sa Tagamasid Pansangay sa Filipino
mga: Tagamasid Pampurok
Punong-guro sa Elementarya at Sekondarya

1. Alinsunod sa Paanyaya mula sa Pambansang Samahan sa Sikolohiyang Pilipino, ang mga kaguruan, kawani, at mag-aaral ay inaaanyayahang dumalo sa ika-46 Pambansang Kumperensiya sa Sikolohiyang Pilipino na gaganapin sa 24-26 Nobyembre 2022.
2. Layunin ng kumperensiya ang sumusunod:
 - 1.) matalakay ang mga karanasan, hamon, at paggigiit ng katotohanan sa iba't ibang larangang (akademya, politka, kulturang popular, atbp)
 - 2.) masuri ng kahulugan at kahalagahan ng SP bilang sikolohiya ng pagbabagong-isip tungo sa pagtataguyod ng katotohanan sa kontekstong Pilipino;
 - 3.) magtampok ng mga bagong pananaliksik sa kultura, lipunan at sikolohiyang Pilipino
 - 4.) mabahagi ng mga kaalaman at kasanayan sa Sikolohiyang Pilipino
3. Ang ibang mahahalagang detalye tungkol sa nasasabing gawain ay napapaloob sa kalakip na dokumento.
4. Hinihiling ang maaga at malawakang pagpapalaganap at pagtalima sa memorandum na ito.

for: 588 11-Nov-2022
CRISTY C. EPE

Pansangay na Tagapamanhala


CID/jmn





PAMBANSANG SAMAHAN SA SIKOLOHIYANG PILIPINO

(National Association for Sikolohiyang Pilipino, Inc.)
4A Alcal Building 285 Katipunan Avenue, Loyola Heights, Quezon City
Telefax: (02) 7255-7483 | E-mail: pssponline@gmail.com
Website: www.pssp.org.ph
pssponline



LUPON NG MGA KADIWA (BOARD OF TRUSTEES) 2022-2023

Pangulo

Jayson D. Petras

Unibersidad ng Pilipinas Diliman

Pangalawang Pangulo

Miriam Aquino-Malabanan

Lyceum of the Philippines University-
Batangas

Kalihim

Danielle P. Ochoa

Unibersidad ng Pilipinas Diliman

Ingat-Yaman

Henmar C. Cardíño

Unibersidad ng Santo Tomas

Mga Kasapi

Maryanne A. Abog

Unibersidad ng Pilipinas Diliman/
Komisyon sa Karapatang Pantao

Hadji A. Balajadia

Pamantasang Ateneo de Davao

Ricardo A. Clores

Pamantasang De La Salle

Roberto E. Javier, Jr.

Pamantasang De La Salle

Argel B. Masanda

Central Luzon State University

Eda Lou I. Ochangco

Far Eastern University

Alicia Q. Tablizo

Our Lady of Fatima University-Antipolo

Jay A. Yacat

Unibersidad ng Pilipinas Diliman

Ex-Officio

Jose Antonio R. Clemente

Unibersidad ng Pilipinas Diliman

Glenmark B. Villanueva

Pangulo, TATSULOK

Sekretaryat

Kenneth Carlo L. Rives

Maristela F. Talampas

Pangulong Tagapagtatag

Virgilio G. Enriquez (+)

Ama ng Sikolohiyang Pilipino

Ika-24 ng Oktubre 2022

Mahal na _____:

Isang mainit na pagbati!

Taon-taon, nagtataguyod ng Pambansang Kumperensiya ang Pambansang Samahan sa Sikolohiyang Pilipino (PSSP), isang panlipunan at propesyonal na organisasyong itinatag noong 1975 na may misyong palaganapin ang Sikolohiyang Pilipino (SP) sa iba't ibang sektor ng lipunan bilang isang interdisiplinaryo at maka-Pilipinong pananaw at pamamaraan.

Katuwang ang **Pamantasang Ateneo de Davao**, isasagawa ng PSSP ang ika-46 Pambansang Kumperensiya sa Sikolohiyang Pilipino na may temang "**SP bilang Mapagpabagong-Isip.**" Gaganapin ito sa paraang *online* sa **24-26 Nobyembre 2022**.

Layunin ng kumperensiya ang sumusunod: 1. Matalakay ang mga karanasan, hamon, at paggigiit ng katotohanan sa iba't ibang larangan (akademya, politika, kulturang popular, atbp.); 2. Masuri ng kahulugan at kahalagahan ng SP bilang sikolohiya ng pagbabagong-isip tungo sa pagtataguyod ng katotohanan sa kontekstong Pilipino; 3. magtampok ng mga bagong pananaliksik sa kultura, lipunan at sikolohiyang Pilipino; at 4. magbahagi ng mga kaalaman at kasanayan sa Sikolohiyang Pilipino.

Kaugnay nito, nais naming anyayahan ang inyong mga kaguruan, kawani, at mag-aaral na dumalo sa nabanggit na kumperensiya. Ang bayad sa pagdalo ay ang sumusunod:

- **Php600** (Kasaping Panghabambuhay ng PSSP; Kasaping Propesyonal ng PSSP na bayad ng membership fee sa taong 2022; Tagapaglahad ng Papel)
- **Php700** (Di-Kasapi ng PSSP; Kasaping Propesyonal ng PSSP sa mga nakaraang taon pero HINDI bayad ng membership fee sa taong 2022)
- **Php1,600** (May kasamang membership sa PSSP sa taong 2023; Kailangang sagutan ang Online Membership Form: <http://bit.ly/psspmembershipform>)
- **Php300** (Kasalukuyang mag-aaral sa kolehiyo; Kailangang magpadala ng proof of enrolment at kopya ng current student ID kasama ng proof of payment)

- **Php500** (May kasamang membership sa PSSP sa taong 2023 para sa kasalukuyang mag-aaral sa kolehiyo; Kailangang magpadala ng proof of enrolment at kopya ng current student ID kasama ng proof of payment; Kailangang sagutan ang Online Membership Form: <http://bit.ly/psspmembershipform>)

Maaaring magpadala ng inyong bayad sa aming China Banking Corporation (China Bank; ibang bangko ang China Bank Savings Bank) account gamit ang mobile banking app (sa pamamagitan ng InstaPay o PESONet), mobile wallet (GCash, PayMaya, GrabPay, DiskarTech, atbp), o sa kahit saang branch ng China Bank. Narito po ang detalye ng aming account:


Account Name: **National Association for Sikolohiyang Pilipino Inc.**
Alternatibong Account Name para sa Online Fund Transfer Lamang: **NASPI**
Account Number: **114202018446 (Savings Account)**
Branch: **China Banking Corporation (China Bank hindi China Bank Savings Bank)**
Corinthian Hills, Quezon City

Lahat ng tseke ay DAPAT nakapangalan sa "National Association for Sikolohiyang Pilipino Inc." HINDI tatanggapin ang tseke na "NASPI" lamang ang nakasulat. Ang bayad ay NON-REFUNDABLE ngunit TRANSFERABLE.

Lahat ng kalahok ay dapat magpatala sa *online registration form*: tinyurl.com/pksp46pagpapatala. Magiging opisyal lamang ang rehistrayon kapag natanggap na namin ang bayad at at naipadala sa pssp-online@gmail.com ang katunayan ng bayad. Ang huling araw ng rehistrasyon ay sa **21 Nobyembre 2022** ngunit maaaring isara ang rehistrasyon kapag napuno na ang slots.

Umaasa po kami sa inyong positibong tugon. Maraming salamat po.

Lubos na gumagalang,



Prop. Miriam Aquino-Malabanan
Lyceum of the Philippines University-Batangas
Convenor, Kumperensiya 2022



Dr. Jayson D. Petras
Unibersidad ng Pilipinas Diliman
Pangulo, PSSP

/kclr09



PAMBANSANG SAMAHAN SA SIKOLOHIYANG PILIPINO

(National Association for Sikolohiyang Pilipino, Inc.)

4A Alcal Building 285 Katipunan Avenue, Loyola Heights, Quezon City

Telefax: (02) 7255-7483 | E-mail: pssp-online@gmail.com

Website: www.pssp.org.ph

    pssp-online

TENTATIBONG PROGRAMA

Ika-46 Pambansang Kumperensiya sa Sikolohiyang Pilipino

“SP bilang Mapagpabagong-Isip”

24-26 Nobyembre 2022

Inihahandog ng

Pambansang Samahan sa Sikolohiyang Pilipino

at Pamantasang Ateneo de Davao

24 Nobyembre 2022 (Huwebes)	
8:30-9:00 n.u.	Pambungad na Programa <ul style="list-style-type: none">● Pambansang Awit● Ritwal● Pambungad na Pananalita (Dr. Jayson D. Petras & Fr. Joel E. Tabora, SJ)/Dr. Gail Tan-Ilagan)● Pagpapaliwanag ng Layunin ng Kumperensiya at Pagpapakilala sa mga Kahalok (Prop. Miriam Aquino-Malabanan)
9:00-10:15 n.u.	Unang Plenaryong Sesyon: Pangunahing Pananalita Kasaysayan at Katotohanan <i>Prop. Emeritus Ma. Luisa T. Camagay, PhD</i> <i>Departamento ng Kasaysayan</i> <i>Unibersidad ng Pilipinas Diliman</i>
10:25-11:55 n.u.	Unang Sabayang Sesyon
12:00-12:30 n.t.	Pulong ng Kasapian
25 Nobyembre 2022 (Biyernes)	
8:30-8:45 n.u.	Ritwal
8:45-10:00 n.u.	Ikalawang Plenaryong Sesyon Parallel Public Spheres: Ang Estado ng Philippine Disinformation Landscape sa Taong 2022 <i>Assoc. Prof. Jonathan Corpus Ong, PhD</i> <i>Department of Communication</i> <i>University of Massachusetts Amherst</i>
10:10-11:40 n.u.	Ikalawang Sabayang Sesyon

26 Nobyembre 2022 (Sabado)	
8:30-8:45 n.u.	Ritwal
8:45-10:00 n.u.	Ikatlong Plenaryong Sesyon Sikolohiyang Mapagpalaya sa Politikal na Disimpormasyon <i>Asst. Prof. Diwa Malaya Quiñones, PhD</i> <i>Departamento ng Sikolohiya</i> <i>Unibersidad ng Pilipinas Diliman</i>
10:10-11:40 n.u.	Ikatlong Sabayang Sesyon
11:50-12:30 n.t.	Pangwakas na Programa <ul style="list-style-type: none"> ● Presentasyong Kultural ● Pasasalamat at Pangwakas na Pananalita (Dr. Jayson D. Petras & Dr. Gail Tan-Ilagan) ● Ritwal ng Pagtatapos ● Posttest at Pagtatasa ng Kumperensiya

Kasaysayan at Katotohanan

Prop. Emeritus Ma. Luisa T. Camagay, PhD

Departamento ng Kasaysayan

Unibersidad ng Pilipinas Diliman

Layon ng papel na ipaliwanag ang tinatawag na historical method sa disiplina ng Kasaysayan. Hangad ng disiplina ng Kasaysayan ang katotohanan na may maliit na titik at hindi ang Katotohanan na may malaking titik. Ibig sabihin nito na ang mga interpretasyon hinggil sa nakalipas na panahon ay nakasandig sa mga labi o evidences of the past na ginagamit ng historyador. Evidence-based ang disiplina ng Kasaysayan kaya mahalagang suriin kung ang mga labi ng nakaraan ay awtentiko at hindi huwad. Ito ang tinatawag na external criticism ng historical method. Kung nasuring awtentiko ang labi o sources of the past, aalamin kung mapagkakatiwalaan ang nilalaman ng historical source. Tawag dito ay internal criticism ng historical method. Oras na dumaan ang historical evidences sa dalawang nabanggit na paraan, saka lamang makabubuo ang historyador ng isang interpretasyon na siyang magsisilbing katotohanan hinggil sa isang tao, lugar, o pangyayari. Sa Ingles, tinatawag ang katotohanang ito na provisional truth.

Makikita sa paraan na ito kung gaano kaingat ang historyador na magbigay ng kaniyang interpretasyon hinggil sa nakaraan. Sa ganitong metodo ng Kasaysayan, hindi masasabi na ang disiplina ng Kasaysayan ay tsismis. Hindi rin maaaring magbigay ng interpretasyon nang walang pruwera at lalong hindi maaring mag-imbento ng ebidensiya.

Pagpapakilala sa Tagapagpagsalita

Si Dr. Ma. Luisa T. Camagay ay kasalukuyang Professor Emeritus sa Departamento ng Kasaysayan, Unibersidad ng Pilipinas Diliman. Kabilang sa kaniyang mga interes sa pananaliksik ay Kasaysayang Panlipunan, Aralin at Kasaysayan ng Kababaihan, at Araling may kaugnayan sa Rebolusyong Pilipino. Siya ay may-akda ng mga aklat na nagwagi ng mga pagkilala katulad ng Working Women of Manila in the 19th Century at Kasaysayang Panlipunan ng Maynila 1765-1898. Noong 2006, iginawad sa kaniya ng pamahalaang Pranses ang parangal na Chevalier de Palmes Academiques at noong 2013 ay kinilala naman siya bilang Natatanging Guro sa UP Gawad Tsanselor.

Parallel Public Spheres: Ang Estado ng Philippine Disinformation Landscape sa Taong 2022

Assoc. Prof. Jonathan Corpus Ong, PhD

Department of Communication

University of Massachusetts Amherst

May mahalagang papel ang “public sphere” sa ating buhay bilang isang demokratikong bansa. Ang “public sphere” ay tumutukoy sa espasyo kung saan nagtitipon o nagtatagpo-tagpo ang mga tao upang magpalitan ng mga kuro-kuro, makinig sa ibang opinyon, at sama-samang solusyunan ang mga problema. Ngunit ano kaya ang mangyayari kung magkaroon ng pagkakahati-hati sa espasyong ito? Ano kaya ang mangyayari kapag hindi na natin kayang pakinggan ang ibang may kasulangat na opinyon sa atin? Ang ibinubunga ng sitwasyong ito ay ang “parallel public spheres,” o ang pagkakaroon ng magkakaiba at napakaradikal na information ecosystem na nagtataglay ng nagtatalabang pananaw at paninindigan sa mga isyu, pati na rin sa paggamit ng reference at source. Tatalakayin dito ang mga panibagong paraan ng “influence operations” sa Pilipinas na nagpalalim sa mga hidwaan ng mga magkakaibigan at magkakapamilya, at pagtindi ng “cancel culture” sa social media. Bilang kongklusyon, nais niyang ipagpatuloy ang pagsusuri sa media at teknolohiya mula sa kritikal na perspektibo, kilalanin ang kakayahan ng ordinaryong Filipinong botante na makilahok sa mga pampublikong talakayan, at pag-usapan ang kaugnayan ng kapangyarihan at ekonomiyang politikal sa influence operations.

Pagpapakilala sa Tagapagpagsalita

Si Jonathan Corpus Ong (PhD, University of Cambridge) ay Kawaksing Propesor ng Global Digital Media sa University of Massachusetts -Amherst. Siya ay nakapaglathala ng tatlong libro at mahigit 25 journal articles sa larangan ng global media ethics, digital politics, at anthropology of humanitarianism. Isa siyang Research Fellow sa Harvard University's Shorenstein Center. Kamakailan ay napili siya bilang isa sa 28 Andrew Carnegie Fellows (2022-2024). Bilang isang media analyst at commentator, ang kaniyang “disinformation whistleblowers podcast” na Catch Me If You Can, na kasalukuyang nasa ikalawang season, ay nasa Top 6 ng pangkalahatang chart ng Pilipinas.

Sikolohiyang Mapagpalaya sa Politikal na Disimpormasyon

Asst. Prof. Diwa Malaya Quiñones, PhD

Departamento ng Sikolohiya

Unibersidad ng Pilipinas Diliman

Tatalakayin sa plenaryong ito ang isyu ng paglaganap ng mga maling impormasyong may kaugnayan sa politika sa bansa. Sisimulan ang paglalahad sa paglalarawan ng ekosistem ng impormasyon at komunikasyon na siyang nagiging konteksto ng paglaganap ng malawakang infodemic at/o information disorder. Sa pamamagitan ng sinasabing intensyunal na manipulasyon ng ekosistem na ito ng iilang may kapangyarihan para sa kanilang sariling kapakanan, nahahagip at nalulunod sa daluyong ng mga maling politikal na impormasyon ang marami sa mga Pilipino. Nagkakaroon ng sariling buhay at anyo ang disimpormasyon sa danas nito ng mga mamamayan at nagiging bahagi ng kanilang mga pinaniniwalaan at pinaninindigan. Katapat ng mga totoong impormasyong pinanghahawakan at ipinaglalaman ng iba pang grupo at indibidwal, nagdudulot ito ng mapanghating pakikipagtunguhan sa kapwa at tunggalian sa lipunan.

Sapagkat ang ganitong sitwasyon ay hinaharap din ng marami pang mga bansa, marami na ring inisyatibo at pananaliksik tungkol dito. Sunod kong ilalahad ang aking panimulang rebyu ng literatura dito. Partikular na tututukan ko ang paglalogom ng mga kadahilanan kung bakit at paanong lumalaganap ang mga politikal na kasinungalingan, gayon din ang mga pamamaraang sinubukan na upang sugpuin ang pagkalat ng mga ito. Kritikal na tatasahin rin ang mga ito batay sa kaangkupan sa konteksto ng sikolohiyang Pilipino. Hangad kong makapagbibigay gabay ang plenaryong ito sa kapwa Pilipino sa patuloy na paikipaglaban para sa liwanag ng katotohanan.

Pagpapakilala sa Tagapagpagsalita

Si Asst. Prof. Diwa Malaya Quiñones ay bahagi ng kaguruan ng Departamento ng Sikolohiya sa Unibersidad ng Pilipinas Diliman. Siya ay nagtuturo ng mga kurso sa social at political psychology sa di-gradwado at gradwadong lebel. Patuloy din siyang nananaliksik sa mga larangang ito. Ilan sa kaniyang kasalukuyang sinusulat na mga pag-aaral ay tumitingin sa mga sikolohikal na salik ng pagsuporta kay Rodrigo Duterte noong presidente pa ito, gayon din ang mga sikolohikal na paliwanag sa pagboto sa mga naging kandidato sa pagkapangulo noong nagdaang pambansang halalan.

Nagtapos siya ng kaniyang PhD sa Psychology na may konsentrasyon sa Social Psychology sa UP Diliman. Ang kaniyang disertasyon ay tungkol sa sikolohikal na pinagmumulan ng iba't ibang klase ng sibiko at politikal na pakikilahok. Dumalo siya sa mga internasyunal na summer school sa political psychology na inorganisa ng Asian Association of Social Psychology at Society of Australasian Social Psychologists. Kasalukuyan niyang pinamumunuan ang Ethics Review Board ng Kolehiyo ng Agham Panlipunan at Pilosopiya, UP Diliman.